



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis vigesima-quintâ,  
Januarii, anno Domini M. DCC. XLII.

M. HENRICO-FRANCISCO BOURDELIN,  
Scholarum Professore, Doctore Medico, Præside.

*An in pectoris Hydropæ, quò maturior, eò felicior Thoracis Paracentesis?*

I.



YDROPS, nemini non notum morbi genus, pro variis quas infestat corporis partibus, varia sortiitur nomina, sic ascites, leucophlegmatia, hydrocele, hydrocephalus nuncupatur, prout vel abdominis cavum, vel substratas cuti membranæque adiposæ cellulas, aut testium involucria, membranae (ve cerebri, ipsiusque molem alluit. Reliquis autem in locis, quos à sua illuvie non finit immunes, partis aut visceris affecti nomen sibi vindicat. Hinc uteri, ovarii, pectoris hydrops appellatur. Ubi cumque sibi sedem elegerit propria iis partibus, quarum lædit functiones, mala secum accersit.

A

re formidandâque magis symptomatum catervâ stipatus ægrum non aliâs ad-  
ritur, quam dum, in alterutrum aut utrumque pectoris cavum diffusus, vita-  
lem hanc arcem pessimâ suâ diluvie occupat. Ex eodem, unde reliqui manant  
hydroles, primario fonte derivatur hydrops pectoris. Hunc nimirum gignit  
aut acrimonîâ, aut spissiore crasi peccans cruor. Ex illius enim ita vitiosi san-  
guinis gremio separatam, & thoracis pulmonumque membranas perperantibus  
vasis lymphaticis educendam, feri portionem pari labe infici debere palam  
est. Ab hoc igitur humore vel erosa, vel justo plus dilatata rimas ducere  
summè tenuia hæc vascula, proindeque serum, quæ data porta, effugium  
moliri, ploratu assiduo in thoracis cavum stillare, ibi stagnare negato exitu  
& coacervari necessum est. At non soli sanguinis perversæ diathesi suam sem-  
per debet originem ille morbus: naturâ enim suâ debilior, aut à prægressis  
morbis labefactata pulmonis, plevræque & aliarum, quæ sitæ sunt in thora-  
ce, partium textura huic accerendo suum sæpius confert symbolum. Indè  
est, quod peripneumonias, pleuritides, Asthmatis insultus, gravesque &  
diuturnos pulmonum infarctus non raro excipiat. Eos etiam plerumque solet  
ægros affligere, quorum hepâr, aut lien, vel aliud in abdomine contentum vis-  
cus pravè afficitur, & suam peragenda chylosi debitam non potis est ope-  
ram commodare. Quam enim non ritè subacta ciborum massa in sanguinis  
alveum refundit insincera male elaborati chyli copia progeniem se deteriorem  
certo certius datura est, grave scilicet, lentum, acre serum, tenuissimos pul-  
monum reliquosque thoracis lymphaticos canales impat præterlabi, par vitia-  
re. Natum adolescentemque hunc morbum dubia, & quæ varios pulmonum  
affectus mentiantur, signa dissimulant; adultum non obscura quibusque certò  
confidat Medicus, produnt symptomata; inveterascentem demum nulli cessura  
medicinæ, stipat malorum omnigenûm cohors. Huic invadenti fidas se adde-  
re comites, & cæterorum symptomatum agmen ducere ut plurimum solent  
febris lenta, importunaque, & qua nihil expuitur, tussis. Cùm paulò magis  
incrementi cepit, & à collecto decidui jugiter feri imbre gravari incipit dia-  
phragma, tum difficultas spirandi sensim obrepit, & aliquem in infima pec-  
toris parte gravitatis sensum experitur æger. Ubi autem eò increvit colluvies,  
& ita exundat, ut paulò validiùs commotus ægrotantis lateri admotæ aures  
fluctuantis intus aquæ sonitum percipiant: tunc quæ primò quasi micare vi-  
debantur, & erant tolerabilia, jam exertis viribus, & adscito aliorum den-  
siori satellitio, in ægrî tormentum perniciemque mala deserviunt. Tussis ex-  
asperatur & increbrescit; graviore pondere diaphragma comprimitur; tendi-  
tur velut cingulo constricta, doletque ima thoracis regio; operosior fit respi-  
ratio, in unum duntaxat latus, imò nonnunquam in neutrum recumbere, nec  
etiam supinus jacere potest ægrotans, quin violentâ tussi subijò correptus &  
anhelans hunc situm protinus immutare cogatur. Nec ipsi fas impune alimen-  
tis famem sedare; ingestos enim cibos cominus sequuntur exacerbata tussis,  
præpeditaque magis, & qualis asthmaticos vexare solet convulsæ respiratio:  
vibrare cor languidum crebrò intermittit, crebrò palpitans validiores ictus ingemi-  
nat. Optatissimum illud somni tempus, quo ægrotantes reliqui suas lenire solent  
ærumnas, hunc ægrum ullo nedum soletur levamine, novis è contrâ premis  
angustiis: vix enim primus irrepsit sopor, cum statim, veluti constricto pecto-  
re, præclusisque faucibus, tantum non suffocatus excitatur, totusque prætre-  
pidat, & quasi ipsissimæ morti ereptus perhorrescit. Hinc complures hoc mor-

bo detentos ea nonnunquam invadit somni formido, ut perennibus malint se torquere vigiliis; quam terrificæ quieti vel minimum indulgere. His miſeriis aliquando breves concedit inducias, mentitaque fugam infida lues, inani recuperata ſanitatſ laryâ male credulum ægrotantem deludit, cum videlicet membranarum thoracem inveſtientiū laxatis ſejunctiſque fibris, occultum iter ſibi molita, verſus inferas corporis partes prolabitur: tum ſemoto aquæ circumprementis obice, pulmones expediti, intromittendo aëri pleniùs expanduntur; ſuo levatum onere diaphragma priſtini ſui juris fit, & redintegrata contractionis compos: hinc ſpirans liberùs, res ſuas æger in vado eſſe autumat. At doſoſam pacem clam recrudescens morbi ſævicia citò interturbat. Quienim è pectore devius, & per cæca membranarum interſtitia in artus inferiores ilabens, aliquandiu ſe ſurripuerat, exorto in taſſis malleoliſque tumore ædematoſo, quam ad tempus celaverat, præſentia ſua certas nimium dat notas: ibi à deſtillante jugiter novo humore cumulatus, continerique aut ultra progredi impotens, univerſas quæ pectori ſubjacent partes novo inundat diluvio. Sic unâ conjuratis anafarcâ, hydrocele & aſcite ferocior relictaſt ſtationem ſuam hydrops ruſum occupat. Quæ mitigari ſymptomata ſopirique quodammodo viſa fuerant, jam denuo inſenſùs debacchantur. Tum æger cruorem nonnunquam exſpuens, frequentibus, anticipatoſque lethi horrores ingeminantibus, animi deliquiſ penè conſectus, ſublīmi crebroque anheliſ ſpiritum acervatim trahens, negatam ſibi aëris uſuram miſerabiliter ingemiſcit, nullâque ferendam arte, tum ab aſſidentibus tum ab ipſo Medico opem incaſſum exorans, fato ut plurimum inopinato, derepente ſuffocatus, concedit. In alterutro aut utroque pectoris cavò collectus humor hæc tot dira tamque exitialia ſymptomata parit, quibus obviam ire quiſquis meditatut, in id totus incumbat, ut eorum fomitem citò eliminet, congeſtum nempe ſerum è pectore, quantum fieri poteſt, maturè educat.

## I I.

**P**LURIMA pervicaciſ illius morbi mox recensita ſymptomata ſigillatim quiſquis perpenderit, nullum ab humoris intra pectus ſtagnantiſ præſentia & vitio non proficiſci comperiet. Nihil enim aliud ſiccâ, quæ perpetuò ægrotantem inquietat, tuſſim accerſit, quam congeſti, nervoſam pulmonum membranam vellicantiſ, atque in ſpaſmum cientiſ ſeri acrimonia. Indivulſam morbi ſociam, & ægrum tabe lentâ conſcientem febrim fovet alitque idem ſerum: hujus ſcilicet circumflua illuvie molleſcunt pulmonum vaſa & enervantur; inhabilia igitur ſiunt, quæ reducem è veniſ cruorem, cruoriquæ admilcendos chylī globulos, & in ejus naturam immutandos verſare, terere, dividere, pulmonibus tandem imprimiſ deſtinatum hæmatoſeos opus abſolvere valeant: hinc male ſubactus craſſiorque ſanguis tenuiſſimas extremitatum arteriarum propagines libero & æquabili gradu permeare impotens, eas impedito, turbato, ardentante, & eo qui febrim gignat motu penetret neceſſum eſt. Sic vitiatam hæmatoliſ ab omniſoli non meliore excipi debere quiſ ambigit? Ergo prava effectū degeneriſque tum nervei, tum nutritiū ſucci copia è ſanguine ſeparabitur. Deſraudatiſ itaque ſuo nutrimento partibus, corpus univerſum invadere maraſmus, inordinatè motiſ ſpiritibus animalibus, nuncque parum aut non omnino in cordiſ motoreſ nervoſ ilabentibus, cor vibrare ceſſabit, tuncque intermittet

4

pulsus, & ingruent *lipothymia*: Nunc iisdem quasi recollecto agmine, auctoque impetu, in eosdem nervos protrusus, cor crebrius fortiusque pulsabit, & ager de cordis palpitatione conqueretur. An aliud quidquam spirandi creat difficultatem, præter incumbentem diaphragmati, pulmonesque circumprementem humoris molem? Quanam de causa nunc in sinistrum, aut in dextrum latus recumbere tantummodo potest, nunc utriusque decubitus, atque etiam sitis resupinati impatientis prorsus evadit ægrotans? An non multiplicem hunc situm ideo nequit tolerare, quod, ita reclinato pectore, prolabitur in mediastinum, ejusque & pulmonum nerveas fibras distendit, atque irritat ejusdem humoris pondus, prout alterutra aut utraque pectoris cavitas morbosâ laborat colluvie? Nonne ex eadem manat origine, imam circa thoracis regionem diffusa, & ad superas abdominis partes nonnunquam extensa, doloris non omnino expers, constrictionis sensus? Cur ab assumptis alimentis asthmatici insiliunt *paroxysmi*, nisi quia ventriculus à rarefactâ ciborum malsâ in ampliorem diametrum exporrectus vicinum sibi diaphragma comprimit, illud versùs pulmones protrudit, sicque arcum jam nimis pulmonibus, arctius adhuc facit. spatium thoracis? Hinc dum ab admissio parcius aëre, minus quàm par est, dilatantur cellulæ pulmonales, earum vasa arteriosa non satis etiam exportigi, & in se invicem nimis complicata contortaque manere, atque idcirco cruri obices ponere oportet. Sanguis igitur per ea non lentius moveri, imò nec aliquas in iis moras necesse, coacervari, eorum diametros plus æquo ampliare, nervos distrahère, atque ad violentam contractionem sollicitare, asthmatis denique insultum non provocare nequit. Demum ut reliqua silentio prætermittamus symptomata, quorum aut remotam aut proximam causam ab eodem intra pectus exundante sero nemini non pronum est haurire; eorum triste pariter necessariumque corollarium, ægrotantis scilicet exitium, quivis sane fatebitur non aliunde acciri, quàm ab effuso, morâque putrescente sero, & eam nactò deleteriam indolem, quæ pulmonum compagem labefacter, horum substantiam sensim depascatur, vimque vivificam tabifico halitu plane pessumdet. Id suadet ratio, id autopsia evincit. In iis enim, quos pessimus ille hydrops extulit, corruptos, exesos gangrenaque infectos pulmones, multo, plurimumque librarum pondus æquant, & foetido ichori innatare, cadaverum sectio non semel testata est. His ita in medium adductis, nullus profectò Medicus non debet exploratum habere, se inutilem in pectoris hydropo curando, illiusque proinde symptomatibus arcendis collocaturum operam, nisi teterrimo fonti, unde illa manant, quàm primis exhauriendo allaboret. Cum enim constet, quandiu causa viget tandiu & illius vigere effectum; hujus morbi sevitiam infringere & perdomare se posse non speret, nisi eum è municiissimo, unde tectus tutusque perpetuas vires colligit relacitque, propugnaculo excutiat, citòque exterminet. Secus: quicumque, non foras eliminato morbi fomite, ad sola profliganda aut mitiganda symptomata nervos omnes contenderet, non minùs irritò insudaret labori, ac ille rudis colonus, qui nocivis plantis oblitus extricaturus agrum, non rescissis funditus & evulsis earum radicibus, summos tantum & prodeuntis è tellure caules silce demeteret. Quemadmodum enim ferro intactæ stirpes in feraciorem earundem herbarum segetem deinceps luxuriaturæ sunt: Sic solis oppugnatis symptomatibus, non expugnata eorum causa perpetuæ fecunditatis ansam nanciscitur, æquè pravam, si non pejorem symptomatum sobolem paritura.

**C**IRCA seligendam educendi, qui continetur in pectoris cavo, humoris genuinam methodum, non unanimis est Medicorum sententia. Complures enim thoracis Paracentesi aut forsitan ignoratâ, aut immeritò despectâ formidatâve, solis è Botanices & Pharmacie promptuario desumptis medicaminibus aquam è pectore foras evocari debere contendunt, hocque ratiocinio suam stabilunt opinionem. Omnes, inquit corporis membranæ tubulis non solum humores exhalantibus sed etiam eosdem resorbentibus instructæ sunt. Aliter, qui ex omnibus internis partibus continuo perspirant vapores, nullibi non in corpore congregarentur, congregatique hydropicos tumores nullibi non necessario crearent. Præterea in Ascite, Anasarca extra sanguinis alveum devianti lymphatico vel seroso humori, variè præscriptis remediis, modò per urinas, modò per alvum, modò per insensilia cutis spiracula felicem exitum Medicina non semel reclusit. His rationum momentis nixi, & obtinendam illius morbi sanationem in eo tantum stare atque consistere rati, ut serum per hyantia disruptorum tubulorum oscula effluere desinat, & illud, quod jam effluxit stagnatque, in resorbentia vascula divertat, ab iisque ebibatur & penitus exhauriatur, nihil non fausti sperare jubent à sola eorum usurpatione medicamentorum, quæ serosos humores attenuare, dividere, per variâ corporis emundatoriâ derivare, proindeque vasa lymphatica exinanire valent: Hinc à temperatis variè, sibi intermixtis, aut intercalatis purgantibus, diureticis, perspirationem aliasque excretiones cientibus remediis auspicandam, eorumque unico usu perducendam morbi curationem autumant. Reliqui ab his authoribus dissentientes Medici, pauciores quidem, at ratiocinii authoritatis & experientiæ præsidio freti, in hoc morbo curando, vel efficacissima Medici votis raro esse responsura pharmaca pronunciant, nisi auxiliatricem manum admoverit Chirurgia, & primum sero restaganti viam sero mota, medicatrici exerendæ suæ virtutis locum planiorem pharmacie concesserit. Cum his sentire, & ubi de pectoris hydropice cerò consiterit, imperatâ thoracis paracentesi, difficilis illius morbi curationem inchoare ne dubites, eam deinceps melioribus auspiciis adhibiturus medicinam, quæ malam cruoris & seri indolem emendare, glandularum pulmonis tollere infarctus, dehiscentibusque vasis lymphaticis suam cicatricem valeat obducere. Huic autem operationi exequendæ sic se accingat Chirurgus. Sedente agro, nudatumque dorsum luci obvertente, è latere affecto, quatuor à spina digitis, in eâ scilicet parte, ubi costæ magis extroorsum saliant, inter quartam & quintam spuriarum costarum, initio calculi ab inferioribus ducto, sectionis locum eligat. Hanc ut exequatur unum cutis incidendæ extremum à ministro prehendi & sublevari jubeat, dum alterum sinistra manu etiam prehendit, & ope scalpelli, quod dextrâ gerit, intermediam cutem & alia integumenta transversim secat. Hæc, ubi secuit, relinquat sui juris, scalpelloque altius immisso, musculos intercostales, ipsamque demum pleuram incidat. Inter operandum illud præsertim caveat, ne arteriam in inferiore superioris costæ labro sitam vulneret. Istud autem periculi facile admodum effugiet, si suum ita rexerit scalpellum, ut ejus rudis obtusaque versus superiorem, secans verò pars ad inferiorem costam divergat. Ubi incisam pleuram apertumque thoracis cavum exiliens humor arguet, hunc,



reclinato in latus solum ægro, totum & una vice effluere sinat. Quo peracto, eadem, quæ in imphyemate solet adhiberi, methodo vulnus deligabit curabitque: nec dubitabit vel illico, vel interposito, quod ægri vires exigere videbuntur, temporis spatio, parem in latere opposito Chirurgiam celebrare, si pectoris utrumque cavum hydrops obtinuerit. Huic encheiriziam aliam recentiores nonnulli sufficiendam volunt: scilicet ope instrumenti *Trocar* dicti, soliti ad peragendam abdominis paracentesim usurpâri, uno eodemque ictu, & exiguo sponteque sanabili vulnere cutem, musculos intercostales, ipsamque pleuram perforant: Hanc autem methodum, licet brevitate sua majoreque facilitate palmam priori juxta suos fautores præripiat, non ii tamen sumus, qui suadere audeamus. Nos quippe morantur, hac operandi ratione, certò & cum summo ægrotantis discrimine vulnerandi pulmones, quos non facilius non poterit Chirurgus, præsertim si, quemadmodum haud ita infrequenter observatum est, cum pleura coaluerint.

## I V.

**A**D sanandum pectoris hydropem multiplici titulo commendanda venit ea, quam celebrandam præcipimus in thorace, Paracentesis. Pro eâstant, huicque adstruendæ conspirant autoritas & observatio. Hanc enim utilem & necessariam existimasse Hippocratem absque ullo controversiæ metu promissum est deducere ex eo divini senis aphorismo, ubi, pectoris hydropse laborantium facta mentione, sic effatur, *hos lateris sectione curare oportet*: cujus dogmatis præstantiam rara quidem, at non ideo minùs certa felixque aliquorum Medicorum praxis confirmavit. Quam autem autoritas & observatio adhibendam certatim probant pectoris Paracentesim, hanc maturandam ratiocinium evincit. Illius enim maturatâ administratione morbum, aut aliquando penitus posse curari, aut saltem remediis obsequiosum magis, curarique dociliorem fieri debere, vel levi datâ attentione, quivis facillè intelliget: cum è contra vel seriùs, vel non omnino hac institutâ operatione, nullis, præsentissimorum licet, medicaminum viribus, nisi rarissimè prodigioque similiter eundem hunc morbum auscultare quotidiana commonstret experientia. Hinc non tam præ innatâ sibi perviciâ, quàm ob parciùs tardivse usurpatum illud auxilii genus, adeo refractarium audire pectoris hydropem meritò quis fuerit suspicatus. Porro Chirurgicam hanc sectionem nonnunquam adimplendâ utriusque paginæ solam sufficere ideo contendimus, quòd sola effusi humoris educitio illud præstare valeat, ut glandularum infarcti tubuli referuntur, disrumpantur, vasa occludantur, ubi nempe pauca tantùm, ut sæpe contingere posse nemo negaverit, nec ita pridem dehiscencia in thoracis cavitatem vasa lymphatica serum transfusere, parumque, & recenter inspissatis humoribus, pulmonum aliarumque pectoris partium glandulæ infarciuntur. Quà nimirum proportionem per inflictum thoraci vulnus humor effluit, eadem diaphragma molesto pondere liberatum, quam dedidicisse vi lebat, pristinæ memor elasticitatis, alternatos contractionum suarum motus redintegrat: pulmones æquiorum locum nacti, ab irrupente plenius aere, in ampliora spatia expanduntur, suasque cellulas magis exporrigunt, qui igitur in eas majore copiâ validioreque impetu prorumpit aer; iis intertexta vasa, quæ prius in se invicem nimis erant implicita, jam evolvit, & secundùm rectiores lineas extendit, ea præterfluentem cruorem tundit, exagitat subigit, humorum denique tardo repentium gradu motum accelerat. Sic per totam

pulmonum compagem suo solidis restituto naturali tono, sua fluidis redditâ iustâ crasi, recens nec adeo induratis, sed paulò viscidioribus, succis obthuerata glandularum cava expediri, serosoque latici facillè pervia iterum fieri posse, nullus profectò inficias iverit. Proinde disruptorum, jam nec intus ab infarciēte, nec extus ab alluente enervanteque sero diducta & emollita vasorum lymphaticorum oscula, ob innatam sibi quantulamcumque vim contractilem corrugari, ad se invicem accedere, sibi applicari, duraturamque cicatricem paulatim ducere posse, quis, nili phisicis in rebus hospes, non animadvertit. Fatemur quidem non ita sæpè ægrum manere fortunatam adeo sortem, ut peractam paracentesim spontè sequatur integra morbi sanatio: At indè nostræ sententiæ detrahendum perperam censes. Primum enim illud emolumentum è nostrâ methodo percipitur, quòd huic insistentem medicum penes sit præcavere, ne serum commorando putredinem, exitio pulmonibus futuram, contrahat. Hinc etsi morbum non sanat, illius tamen sanandi removel impedimenta. Insuper quandiu congestum in pectore stagnabit serum, non modò incassum, sed etiam cum certo & citiore damno ægotantis omniēna, quæ alvum, urinas, sudores & excretiones reliquis valent movere, medicamenta in usum vocaveris: Horum siquidem hinc effectus pendent, quòd fluidorum augeant motum, solidorum vim systolicam intendant. Cum igitur mota qualibet corpora eò ferantur, ubi minorem superandam habent resistantiam: In debilia ex se, & circumfuso, qui iis imbibitur, humore debiliora facta pulmonum vasa consertim magis & violentius, quàm aliò, sanguinem humoresque ab his medicamentis in motum actos protrudì debere manifestum est. Unde obstitata jam dehiscētiaque, densius obstitatum, & in majores hiatus diductum iri vasa lymphatica necessum est. Hæc autem incommoda cautus vitaveris. Si, prout innuimus, maturè depleto thorace, disruptorum tubulorum coarctui obstantes extrinsecus causas amoveris, ea deinde intus medicamenta admoturus, quæ impactos humores molliter solvere, sensim diluere, fluxiles demum reddere apta sint. Postremò etiamsi morbum omnino non exturbaret, sed huic mitigando, ægotantisque vitæ aliquandiu protrahendæ tantùm inserviret, à nobis laudata, Paracentesis, foret tamen, unde illius non procrastinandæ authores meritò essemus.

## V.

**N**ON solius feri aut lymphatici humoris effusio pectoris hydropem semper generat: chylosum enim laticem è rupto ductu thoracico defluum, huic aliquando ortum dedisse compertum est. Memoratis hujus morbi symptomatis illud etiam addideris, quod sæpe non nihil œdematosè manus ex affecto laterè tumeat, doleantque interdum, & paralyti corripiantur brachium atque humerus. Præter pectoris hydropem propriè dictum, aliæ adhuc duæ nonnunquam occurrunt hydropis species, quæ eodem nomine solent designari. Harum altera inter utramque plevræ laminam, altera in ipsâ mediastini duplicaturâ gignitur. Utraque auxilio Chirurgiæ indiga, isdem fere signis dignoscitur eademque accessit symptomata, ac Hydrops pectoris à nobis descriptus. Illud tamen sibi peculiare vindicat, qui plevram obfider, quod aliqualem lateris affecti dolorem levemque intumescētiā pariat, nullum autem ponderis diaphragma comprimentis coercentisque sensum incurrat, nec in pedibus excitet tumorem œdematosum. His vero notis hydropem mediastini dignoveris, quòd de molestâ adeo diaphragmatis gravitate non conqueratur æger, & pectore in anteriora re-

clinato minùs labore. Priori hydropis speciei juxta præscriptam à nobis methodum secto, aut etiam opè instrumenti *trocar* dicti perforato thorace, medeberis; posterio- rem, nonnisi terebrato sterno, incisoque periosteò, licebit sanare. In curando pectoris hydrope eamdem Medicus regulam sequatur, ac in aliis morbis, quibus profligandis, nisi conjunctas eorum causas primùm expugnauerit, antecedentes expugnare frustra meditabitur. Sic in sanandis insultibus epilepticis, quos vermes alicubi nidulantes creant, nihil proficiet, non deletò vermium seminio: sic cruciatus immanes, quibus ægrum torquet calculus in vesica inclusus, eodem non excluso, amoliri ullis quantumlibet pollentibus medicaminum viribus haud quaquam poterit: sic denique non promotà aut expectatà dentium eruptione, multiformia hæc & pessima symptomata, quibus pueros affligunt dentes erupturi, fugare nonnisi irritò conatu enitetur. Nobis incassum objceres, purgantium & aliorum, quæ humores attenuare forsque educere valent, medicaminum ope exinaniri canales lymphaticos, se- rum in thorace cumulatam per resorbentes membranarum tubulos exiigi, proinde quæ morbum mitiore & incruento Marte profligari. Ut enim hanc diluam ob- jectionem respondere nobis suffecerit, ægerime raròque admodum, hæc usurpatà methòdo, diffusi seri in suos canales regressum obtineri. Aliàs non ita foret immedicabilis, nec inter fere desperatos morbos annumeranda hæc, de qua agitur, hydro- pis species. Quæ quidem seri è pectoris cavo evocandi, difficultas utrum ab oclclu- sis, ipsaque morbi causà vitiatis poris resorbentibus oriatur, an ab aliis causis de- pendeat, mittimus inquirere. Præterea non solùm operosissimam & fere semper ir- ritam, sed eam insuper esse quæ noceat maximè & idcirco exulare debeat, hanc me- dendì rationem asserimus. Hac enim institutà sanguis & humores fluidiore sua parte orbantur, suo defraudantur balsamo, citaque ut plurimum phthisis ingruit. Hinc vita- rà scyllà incidit in charybdim, & mutatà duntaxat exitiù causà, non minùs tristis, li- cet dilato parumper, naufragio perit ægrotans. Nec nostram ullaatenùs sententiam infirmant, qui celebratam thoracis paracentesim secuti sunt complures funesti eventus. Hos enim non accersivit ipsa operatio, sed operationis tardata nimis administratio fecit, ut anteverti non potuerint.

*Ergo in Pectoris hydrope, quò maturior, eò felicior Thoracis Paracentesis.*

## DOMINI DOCTORES DISPUTATURI.

*M. Michaeli Josepho Majault.*

*M. Carolus Payen, Chirurgiæ  
gallico Idiomate Professor.*

*M. Joannes Bessé, doctaria His-  
paniarum Regiæ à consiliis &  
Medicus Primarius.*

*M. Antonius Ferrein, è Regiâ  
Scientiarum Academiâ.*

*M. Tussanus - Gilbertus Boul-  
land.*

*M. Antonius de Jussieu, Regi à  
Secretis, regiæ Scientiarum  
Academiæ, Regiarumque So-  
cietatum Angliæ & Prussiæ  
Socius, Botanices in Horto  
Regio Parisiensis Professor ac  
demonstrator.*

*M. Bartholomæus Murry, Chi-  
rurgiæ Professor designatus.*

*M. Gasparus Coehon du Puis,  
in arce maritimâ Rupisfortensi  
Anatomes & Chirurgiæ Pro-  
fessor Regius.*

*M. Joannes Baptista Silva, Sa-  
lubris consilii Regii Socius,  
& S. renissimî Principis Con-  
cæi Medicus ordinarius.*

Proponerat Parisiis JOANNES-FRANCISCUS ISEZ, Parisinus,  
Baccalaureus Medicus, A. R. S. H. 1742. à sextâ ad meridiem.

*Typis QUILLAU. Universitatis & Facultatis Medicinæ Typographi, 1744.*